

**BASAURIKO UDALAREN GIZARTE-FUNTSAREN HARTZAILE EDO
ONURADUNEI ODONTOLOGIA-ZERBITZUA EMATEKO ODONTOLOGIA-
ZENTROAK HAUTATZEA ARAUTZEN DUTEN BALDINTZAK**

KLAUSULAK

1.- Xedea.

Hitzarmenen xedea da Basauriko Udaleko gizarte-funtsen hartzaile eta/edo onuradunei odontologiaren alorreko zerbitzuak emango dizkieten odontologia-zentroak hautatzeko baldintza arautzaileak finkatzea. I. eranskinak jasotzen ditu aurreikusitako prestazioak.

Odontologia-zentroek Basaurin egon behar dute (lantokitik hurbil egotearen irizpidearen arabera mugatu da kokapena).

Hartzaile zuzenak hirurehun inguru dira (funtzionarioak eta klase pasiboak), gehi onuradunak (ezkontideak eta seme-alabak, kasu batzuetan). Odontologiaren alorreko gizarte-funtsaz gozatu ahal izateko, lehen adierazitako zentroetara jo behar dute, baina zentro horietara joatea hautazkoa da.

Behin odontologia-zentroak zehaztuta, Basauriko Udalak hitzarmena sinatuko du haiekin, eta, bertan, zerbitzuaren baldintzak arautuko ditu.

Odontologia-klinikek, hartzaileek hala eskatuta, faktura egin beharko dute bezeroaren izen-abizenekin, zerbitzua eman den datarekin, jasotako tratamenduarekin eta eragindako hortz edo haginaren zenbakiarekin.

2.- Arau erregulatzaileak.

Zentroak hautatzeko prozedura eta **osteko hitzarmena** baldintza-agiri honetan jasotako klausulak araututa egongo dira. Honako hauek ere aplikatuko dira:

Sektore Publikoaren Araubide Juridikoari buruzko urriaren 1eko 40/2015 Legea, kontratazioa arautzen duten eta aplikatzea dagokion Administrazio Zuzenbideko gainerako arauak, eta, ordezkio moduan, Zuzenbide Pribatuko arauak. Hala egingo da, gainera, interes publikoari, ordenamendu juridikoari eta administrazio onaren printzipioei arreta jarrita. Lehen aipatutako hitzarmenak, berriz, azaroaren 8ko 9/2017 Legearen aplikazio-eremutik kanpo daude, bertako 6. artikuluen arabera.

3.- Gauzatzeko epea.

Kontratua gauzatzeko epea bi urtekoa izango da. Epe hori 2020ko otsailaren 1ean hasiko da, edo, bestela, kontratua formalizatzen denean (data hori ostekoa bada).

Balitzko luzapen bi ezartzen dira, bakoitza urtebetekoa. Kontratua luzatzeko, alderdi biek ados egon beharko dute.

4.- Eskaintzak aurkeztea.

Interesdunek Basauriko Udaleko HAZen aurkeztu behar dituzte eskaintzak, eta Giza Baliabideen Atalean eskuratu ahalko dute hautapen-prozedura arautzen duten baldintzei buruzko informazio eta dokumentazioa. Eskaintzak aurkezteko epea amaituko da egoki irizitako komunikabideetan argitaratuko den iragarkian adierazitako datan.

15 egun balioduneko epea egongo da eskaintzak aurkezteko, deialdiari buruzko iragarkia tokiko egunkarietan argitaratzen datatik zenbatzen hasita.

Eskaintzan honako hauek baino ez dira jasoko:

- Establezimenduko langileak Bizkaiko Odontologo eta Estomatologoek Elkargo Ofizialean izena emanda eta haurren hortzak zaintzeko PADI programari atxikita daudela egiaztatzen duen agiria.

- I. eranskinean agertzen den proposamen-ereduaren arabera eskaintza ekonomikoa.
- Proiektu teknikoa, non, gutxienez, haxe jaso beharko den:
 - Zentroan lanean ari diren profesionalak, eta beren curriculumak.
 - Lantokia: helbidea eta ezaugarri nagusiak.
 - Zentrorako atxikitako baliabideak.
 - Arretarako ordutegiak, itxaroten denbora, larrialdi bati erantzuteko beharrezko tarteak, arreta bereziko ordutegia...
 - Zerbitzuen katalogoa.
 - Erakunde ofizial eta korporatiboetako atxikita egotea.

5.- Gizarte-funtsaren Kontrolerako Batzordearen proposamena.

Gizarte-funtsaren Kontrolerako Batzordeak aurkeztutako proposamenak aztertu eta negoziatuko ditu, kalitate zein prezio aldetik onenak diren prestazioak lortzeko. Hala egiteko xedatzen du odontologia-, optika-, audiometria eta ortopedia-gastuetarako Gizarte-funtsaren Kontrolerako Batzordearen funtzionamenduari buruzko esku-liburuaren 4. artikulua. Hautatuak izango dira eskaintzak aurkeztu, eta 4. puntuak adierazitako baldintzak betetzen dituzten klinika guztiak.

6.- Hitzarmena formalizatzea.

Gizarte-funtsaren Kontrolerako Batzordeak hautapen-akordioa jakinarazten duen datatik hamabost egun naturaleko epean, hautatutako klinikek Basauriko Udalera etorri beharko dute, dagokion hitzarmena formalizatzera.

8.- Interesdunek aurkeztu beharreko dokumentazioa.

Hautatutako hirugarrenek honako dokumentu hauek aurkeztu beharko dituzte Udalean, hitzarmena formalizatu aurretik:

1.- Enpresaburuaren nortasun juridikoa egiaztatzen dutenak. Enpresa pertsona juridikoa bada, bere nortasun juridikoa egiaztatuko du Merkataritza Erregistroan (hala badagokio) behar bezala inskribatutako eratze- edo aldatze-eskritura aurkeztuta. Banako enpresariak, berriz, Nortasun Agiri Nazionalaren fotokopia egiaztatua aurkeztu beharko dute, edo, bere kasuan, erregelamenduz horren ordezkodun agiriarena.

2.- Hala dagokionean, ordezkaritza egiaztatzen duten dokumentuak. Beste baten izenean dihardutenen kasuan, horretarako ahalorde nahikoa badutela egiaztatu behar dute, eta beren Nortasun Agiri Nazionalaren fotokopia egiaztatu (edo, hala dagokionean, beren ordezkari direnena). Enpresa pertsona juridikoa bada, ahalordeak Merkataritzako Erregistroan inskribatuta egon beharko du, salbu eta egintza zehatz baterako ahalordea bada.

3.- Indarreko xedapenak ezarritako zerga-obligazioetan eta Gizarte Segurantzako obligazioetan egunean egoteari buruzko ziurtagiriak.

Interesdunak egiaztatu beharko du zerga-obligazioak bete dituela, eta, horretarako, honako agiri hauek aurkeztu beharko ditu:

- Zerga-eskumena duen Estatuko edo bestelako administrazioaren egiaztagiria (Bizkaiaren kasuan, Foru Ogasunarena).
- Ekonomia-jardueren gaineko zergen (EGZ) egunean egoteari buruzko egiaztagiria: indarreko ekitaldiari dagokion alta edo EGZren azken ordainagiria aurkeztu beharko dute, eta, horrekin batera, zerga horretan baja eman ez izanari buruzko erantzukizunpeko adierazpena ere bai.

Gizarte Segurantzarekiko obligazioak bete egin direla behin betiko egiaztatzeko, Gizarte Segurantzak berak emandako administrazio-ziurtagiria aurkeztuko da (erakunde horrek baimendutako enpresek ere eman ditzakete ziurtagiri horiek, hala xedatzen du-eta abenduaren 10eko 1890/1990 Errege Dekretuaren 6. xedapen gehigarriak).

Dokumentu guztiek jatorrizkoak izan behar dute. Ez da fotokopiarik onartuko, ez bada eskumena duen funtzionarioak horiek jatorrizkoekin erkatu dituela eta jasota utzi duela egokiak direla.

8.- Eskumenak eta jurisdikzioa.

Gizarte-funtsaren Kontrolerako Batzordearen eskumena da hitzarmenak interpretatzea, horiek betetzeak eragin ditzakeen zalantzak argitzea, hitzarmenak aldatzea interes publikoko arrazoiengatik, hitzarmenak indargabetzea eta indargabetze horren ondorioak finkatzea. Hori guztia egingo du, legeetan jasotako mugen barruan, eta horietan adierazitako baldintza eta ondorioekin.

Baldintza horien, edo, hala badagokio, hitzarmenaren interpretaziotik ondorioztatutako kontu guztietarako, interesdunak Udalbatzaren helbideari dagokion administrazioarekiko auzien jurisdikzioaren mende geratzen dira, eta uko egiten diote, espresuki, dagokien beste edozein forori.

Gizarte-funtsaren Batzordeak hautatutako kliniken eta eskainitako tarifa eta baldintzen berri emango die funtsaren onuradun guztiei, hitzarmenak formalizatu eta gero.

I. ERANSKINA

Proposamen-eredua.

..... jaunak/andreak
(NANA:; jakinarazpenetarako helbidea:
.....; telefono-zk.:; eta faxa:
.....) bere izenean (edo
jaunaren/andrearen izenean (haren IFK:), zera adierazten du:

1.- Badakiela Basauriko Udalak hautapen-prozedura bati ekin diola, Udalaren Gizarte-funtsaren jasotzaileei odontologia-zerbitzua emango dien odontologia-zentroa aukeratzeko.

2.- Aztertu dituela, eta, beraz, ezagutzen dituela baldintzen agiria, espedientean dauden gainontzeko dokumentuak eta aplikatu beharreko legezko testuak.

3.- Zera aitortzen duela, bere erantzukizunpean: hitzarmenaren edukia gauzatzeko gaitasun juridikoa eta behar besteko baliabideak badituela, eta hitzarmen horretarako baldintza espezifikoak betetzen dituela. Eta, hautatua izanez gero, adierazitako prestazioa emango duela, onartutako baldintzak eta berak aurkeztutako eskaintzan jasotako baldintza eta betekizunak beteta.

4.- Esandako guztiaren arabera, konpromisoa hartzen duela behean zerrendatutako odontologia-zerbitzuak emateko, finkatutako prezioetan.

I. ERANSKINA: ODONTOLOGIAKO PRESTAZIOEN ZERRENDA		
JARDUKETAK	PREZIOA	BEZa (hala badagokio)
1.- AHOAREN DIAGNOSTIKOA		
Hasierako azterketa eta aurrekontua (historia klinikoa)		
Azterketak		
Ortopantomografia		
Alboko erradiografia (telerradiografia)		
Erradiografia-sorta periodontala		
Igeltsuzko ereduak		
Garbiketa		
OTA		
2.- HORTZAK MANTENTZEKO ODONTOLOGIA		
Berreraikitze konposatua Compositerekin (2 gainazal)		
Berreraikitze konplexua Compositerekin (berreraikitze handia)		
Muinoiak berreraikitzea		
Portzelanazko inkrustazioa		
3.- ENDODONTZIA		
Pulpotomia		
Sustrai-hodi bat tratatzea (aurreko hortzak)		
Sustrai-hodi bi tratatzea (aurreko haginak)		
Hiru sustrai-hodi tratatzea (haginak)		
4.- PERIODONTZIA		
Profilaxi periodontala (zaintza-lanak goiko		

eta beheko hortz eta haginetan)		
Sustraiak arraspatzea eta leuntzea (aho laurdena)		
Zirugia periodontala		
Ehun-mentua		
5.- PROTESI MUGIKORRA		
Berehalako protesi akrilikoa (goian edo behean)		
Konponketa erretxinazko Composite soilarekin		
Hautsitako edo galdutako hortz edo haginak ordezte		
Protesi-oinarri berria jartzea		
Protesi eskeletikoak		
6.- PROTESI FINKOA		
Portzelanazko hortz-korua osoa		
Metal eta portzelanazko korua (metal preziatuak, aparte)		
Zirkoniozko korua		
Erretxinazko behin-behineko korua		
7.- PROTESI MISTOA		
Doitasunezko <i>attache</i> BAKUNA		
8.- OKLUSIOA / ERREHABILITAZIO NEURO-OKLUSALA		
Deskarga-ferula		
9.- AHO-KIRURGIA		
Hortza edo hagina ateratzea		
Kistektomia		
10.- INPLANTEAK		

Hezur barnean integratutako inplantea		
Inplantearen gaineko koroa		
Protesi hibridoa		
Hortz edo hagin gaineko protesia		
Inplanteen gaineko behin-behineko protesia		
Sinua igotzeko kirurgia (hezur, mintz eta plasmazko mentua)		
11.- ORTODONTZIA		
Ortodontzia-azterlan osoa, diagnostikoa eta tratamendu-plana		
Urtebeteko tratamenduaren gehienezko zenbatekoa		
Bi urteko tratamenduaren gehienezko zenbatekoa		
Hiru urteko tratamenduaren gehienezko zenbatekoa		

Tokia, data eta proposamena egiten duenaren sinadura.